

Gikuyu - Kiambĩriainĩ Roho Mbaara Kũhooya Maandĩko

- Beginning WP Scriptures

Uumbũre Maandĩko - Confession Scriptures

Ezira 9:7 Kuuma o hĩndĩ ya maithe maitũ kinyagia rĩu tũtũire o twĩhagia. Na nĩ ũndũ wa meehia macio maitũ, ithuĩ, athamaki, o na athĩnjĩri Ngai aitũ tũkĩneanwo mookoinĩ ma athamaki a ndũũrĩrĩ, nao magĩtũũraga na magĩtũtaha, o na magĩtũnyĩta ta mĩgwate magĩthĩĩ na ithuĩ. Na ithuĩ tũgĩconorwo mũno, na tũtũire tũconoreetwo o na kinyagia ũmũũthĩ.

Ezira 9:13 Na rĩrĩ, o na gũtuĩka atĩ nĩtũherithĩĩtio nĩ ũndũ wa meehia o na maũũru maitũ, nĩtũũĩ atĩ wee Ngai witũ ndũtũherithĩĩtie ta ũrĩa twagĩrĩrwo nĩkũherithio, o na ningĩ nĩũtwĩtikĩrĩĩtie tũtũũre muoyo.

Nehemia 9:1/2 Na rĩrĩ, mũthenya wa mĩrongo ĩrĩ na ĩna wa mweri ũcio-rĩ, andũ a Isiraeli makĩũngana mehingĩĩte kũrĩa irio, nĩ geetha moonanie kĩa na nĩ ũndũ wa meehia maa. Hĩndĩ ĩyo nĩmaarĩĩkĩĩtie kwĩamũrانيا na andũ a ndũũrĩrĩ. Nao magĩkĩĩhumba nguo cia makũnia na makĩĩtirĩria tĩri mĩtwe nĩguo moonanie ũrĩa maarĩ na kĩa. Magĩkĩrũũgama makĩambĩrĩria kuumbũra meehia maa o na ma maithe maa.

Thaburi 24:3,4 Nũũ ũngĩambata kĩrĩma kĩa MWATHANI? Nũũ ũngĩrũũgama harĩa haake haamũre? 4 Nĩ mũndũ ũrĩa mũtheru ngoro o na ciĩkoinĩ ciake; ũrĩa ũtathaathayagia mĩhianano, na ndeeranagĩra maũndũ ma maheeni.

Thaburi 73:13 Gwĩtheria kũrĩa ndĩtheragia ngaikara itekwĩhia nĩ gwa tũhũ mũtheri!

Isaia 59:2 No rĩrĩ, mahĩtia maanyu nĩ mo meekĩrĩĩte mũhaka gatagatĩ kaanyu na Ngai wanyu. Meehia maanyu nĩ mo matũmĩĩte Ngai amwĩhithe, akaaga kũmũigua mwamũhooya.

Isaia 64:6 Atĩrĩrĩ, ithuothe tũtuĩkĩĩte andũ eehia, ikĩro ciitũ cia ũthingu igagĩtuĩka o ta nguo irĩ na gĩko, meehia maitũ magagĩtũma tũhaane ta mathangũ marĩa moomaga makoombũrwo nĩ rũhuho.

Jeremia 5:25 No rĩrĩ, meehia maanyu nĩ mo matũmĩĩte maũndũ maya meega mamũraihĩrĩie.

Hosea 13:8 Ngũmũgurumũkĩra o ta nduba ituunyĩĩtwo twana twayo ndĩmũtambururange biũ. Ngũmũrĩra o hau mũrĩ o ta mũrũũthi, na ndĩmũtinangie tũcunjĩ tũcunjĩ o ta ũrĩa nyamũ ya gĩthaka ĩkaga.

Danieli 9:8,9 Ithuĩ, athamaki aitũ, aathani aitũ, o na maithe maitũ nĩtwĩkĩĩte maũndũ ma gĩconoko tondũ nĩtũkwĩhĩĩtie, wee Mwathani. 9 Mwathani Ngai witũ nĩtũtũiguagĩra tha na ũgatuohera o na gũtuĩka nĩtwakũremeire,

Mariko 9:24 Naake ithe wa kamwana kau agĩcookia o rĩmwe akiuga atĩrĩ,

“Nĩnjĩtĩkĩtie, no ndeithĩrĩria harĩa ndigĩtie gwĩtĩkia!”

Luka 11:2 Naake Jesũ agĩkĩmeera atĩrĩ, “Rĩrĩa mũkũhooya ugagaai atĩrĩ: ‘Awa: rĩitwa rĩaku rĩtheru rĩrotĩo; Ũthamaki waku nĩũũke. (Mathayo 6:10)

Johana 14:6 Naake Jesũ akĩmũcookeria atĩrĩ, “Nĩ nĩ nĩ njĩra, na nĩ nĩ ũhoro wa ma; na nĩ nĩ muoyo. Gũtirĩ mũndũ ũngĩkinya kwĩ Awa atagereire harĩ nĩ.

Johana 17:15 Ndirakũhooya atĩ ũmarute gũũkũ thĩ, no ũrĩa ndĩrakũhooya nĩ atĩ ũmamenyagĩrĩre kuuma kũrĩ Ũrĩa Mũũru.

ARoma 6:12-14 Nĩ ũndũ ũcio, mũtikaarekage meehia mathamakage mĩrĩĩnĩ yanyu o iyo ikuaga, matũmage mwathĩkagĩre merirĩria maayo. 13 O na ningĩ mũtikaarekage ciĩga cianyu ihũthagĩrwo ta indo cia gũtungatĩra meehia. Handũ ha gwĩkaga ũguo-rĩ, mwĩheanageei harĩ Ngai ta andũ mariũkĩtio kuuma gĩkuũinĩ, na mũmũrutĩre ciĩga cianyu ituĩke cia kũmũtungatagĩra maũndũinĩ ma ũthingu. 14 Inyuĩ-rĩ, mũtiagĩrĩrwo nĩgwathagwo nĩ meehia, nĩ ũndũ rĩu mũtirĩ rungu rwa Watho mũrĩ rungu rwa wega wa Ngai.

AHibrania 9:28 Ũguo no taguo o naake Kristũ aarutirwo igongoona riita o rĩmwe nĩguo athengie meehia ma andũ aingĩ. Na rĩĩrĩ, nĩagooka riita rĩa keerĩ, no ti gũtũma andũ mooharwo meehia, no nĩkũhonokia andũ arĩa matũũraga mamwetereire.

Jakubu 4:8 Kuhĩhĩriai Ngai, naake nĩekũmũkuhĩhĩria. Mwĩthambee mooko maanyu inyuĩ eehia! Theriai ngoro cianyu inyuĩ hinga ici!

1 Johana 1:9 No tũngiumbũrĩra Ngai meehia maitũ nĩegũtuohera na atũtherie meehia maitũ moothe, tondũ we nĩahingagia ũrĩa eeranĩire na nĩ wa kĩhooito.

Tuoharwo Maandĩko - Forgiveness Scriptures

Mathayo 6:12-15 na ũtuohere mahĩtia maitũ, o ta ũrĩa ithuĩ tuohagĩra arĩa matũhĩtagĩria. 13 Na ndũkaareke tũgũe magerioinĩ, no ũtũhonokagie kuuma ũũruinĩ.’ 14 “Nĩ gũkorwo mũngĩrekagĩra arĩa mamũhĩtagĩria, o naake lthe wanyu ũrĩa ũrĩ igũrũ nĩarĩmũrekagĩra. 15 No mũngĩrega kũrekagĩra arĩa angĩ, o naake lthe wanyu ndarĩmũrekagĩra mahĩtia maanyu.

Mathayo 18:21,22 Naake Petero agĩthĩ kwĩ Jesũ akĩmũũria atĩrĩ, “Mwathani, mũrũ kana mwarĩ wa Awa angĩhĩtĩria maita maigana ngĩmuohagĩra? Nĩ maita mũgwanja?” 22 Naake Jesũ akĩmũcookeria atĩrĩ, “Aaca, ti maita mũgwanja. Nĩ maita mĩrongo mũgwanja maita mũgwanja,

Mathayo 18:35 Naake Jesũ akĩrĩkia akĩmeera atĩrĩ, “Ũguo noguo Awa ũrĩa ũrĩ igũrũ akaamwĩka inyuotho mũngĩaga kuohera aariũ na aarĩ a ithe wanyu kuuma ngoroinĩ cianyu.”

Mariko 11:25,26 Rĩrĩa mũrũngĩĩ mũkĩhooya-rĩ, ohagĩraai arĩa mamũhĩĩrie, nĩguo lthe wanyu ũrĩa wĩ igũrũ o naake amuhagĩre meehia maanyu. [26 No mũngĩrega kuohera arĩa angĩ, meehia maa, o naake lthe wanyu ũrĩa wĩ igũrũ ndangĩmuohera meehia marĩa mwĩhĩĩtie.”]

Luka 6:37 “Atĩrĩrĩ, mĩtigaatuanagĩre, na inyuĩ mĩtirĩtuagĩrwo nĩ Ngai:: mĩtigatekũuanagĩre, na inyuĩ Ngai ndarĩmwĩkũũagĩra; ohanagĩraai, na inyuĩ Ngai nĩarĩmuohagĩra.

Luka 11:4 na ũtuohagĩre meehia maitũ, nĩ ũndũ o na ithuĩ nĩtuohagĩra arĩa oothe matũhĩtagĩria. Na ndũgatũtware magerioinĩ.’ ”

Luka 17:3,4 Nĩ ũndũ ũcio kĩĩmenyagĩrĩreei ciĩkoinĩ cianyu. “Mũrũ kana mwarĩ wa thooguo angĩĩhia, mũkaanie, na angĩhera, muohere. 4 Angĩkwĩhĩria mũthenya ũmwe maita mũgwanja, na o akũhĩĩria agooka agakwĩra atĩrĩ, ‘Nĩndahera,’ no mũhaka ũmuohere.”

Luka 23:34 Naake Jesũ akiuga atĩrĩ, “Awa muohere tondũ matiũĩ ũrĩa mareeka.” Thigari icio igĩcooka igĩcuukĩra nguo ciake mĩtĩ, igĩcigayana.

Atũmwo 8:22 Wĩrĩre nĩ ũndũ wa waganu ũcio waku, na ũhooe Mwathani akuohere nĩ ũndũ wa gwĩciiria meciiria ta macio.

ARoma 4:7 “Kũraathimwo nĩ arĩa mooheirwo mahĩtia maa, o arĩa marekeirwo meehia maa!

AEfeso 1:7 Nĩ ũndũ wa thakame ya Kristũ nĩtwakũũrĩrwo, ũguo nĩ ta kuuga, nĩtuohairwo meehia maitũ. Kaĩ ti itherũ wega wa Ngai,

AEfeso 4:32 Iguanagĩrai tha mũndũ na ũrĩa ũngĩ, tunganagaai na muohanagĩre mũndũ na ũrĩa ũngĩ, o ta ũrĩa Kristũ aatũmire o na inyuĩ muohirwo nĩ Ngai.

AKolosai 1:14 o we ũtũmaga tũkũũrwo na tuohirwo meehia maitũ.

AKolosai 2:13-15 Inyuĩ-rĩ, kwĩ hĩndĩ mwakuĩte kĩĩroho nĩ ũndũ wa meehia maanyu o na nĩ ũndũ mwarĩ andũ a Ndũũrĩrĩ arĩa matarĩ Watho. No rĩrĩ, Ngai rĩu nĩamũheete muoyo hamwe na Kristũ. Ngai nĩatuohere meehia maitũ moothe; 14 aatharirie thiirĩ ũrĩa twandĩkĩitwo o hamwe na Watho ũrĩa watũmĩite tũgĩe na thiirĩ ũcio, akĩeheria maũndũ macio o biũ na ũndũ wa kũmaamba mũtharabainĩ. Hau mũtharabainĩ Kristũ 15 nĩatooririe hinya wa maroho marĩa maathanaga na magathamaka; aamoohanirie magĩthĩĩ mamuumĩite thuutha, agĩkĩonania mbere ya mũingĩ atĩ nĩatooreetie hinya wa maroho macio.

1 Johana 1:9 No tũngiumbũrĩra Ngai meehia maitũ nĩegũtuohera na atũtherie meehia maitũ moothe, tondũ we nĩahingagia ũrĩa eeranĩire na nĩ wa kĩhooto.

1 Johana 2:12 Ndĩramwandĩkĩra inyuĩ twana twakwa, nĩ tondũ nĩmuohairwo meehia maanyu nĩ ũndũ wa ũrĩa Kristũ eekire.